

明世宗實錄

卷一三六至一九一
嘉靖十一年三月至十五年九月

大明世宗肅皇帝實錄卷之一百三十六

嘉靖十一年三月庚戌朔 孝肅太皇太后忌辰 奉慈殿行

祭禮遣慶雲侯周瑛祭 裕陵○以 獻皇帝製含春堂詩傳

訓三篇御書大篆 上所製祖詩敬一四歲欽天記頌及內府

書籍賜尚書王瓊王憲從其請也○壬子陞戶科都給事中蔡

經爲大僕寺少卿○以莊浪災詔總督唐龍巡撫趙載覈實賑

濟○癸丑禮部奏王府慶賀奏疏 累朝皆有體式凡 皇帝

表文例稱 聖旦奏疏稱 萬壽聖節 皇太后壓于 太皇

太后表文例稱令旦不壓于 太皇太后亦稱 聖旦奏疏稱

聖節 皇后表文例稱壽旦奏疏稱令旦令節今諸王府所奏

錯亂微稱有乖名分請以微稱體式申諭諸王以後不許違錯

報可 賜巡撫陝西副都御史劉天和母太恭人秦氏祭葬以

天和有違功故也○海西嘔罕氏河等衛女直都督褚羊哈等入貢宴養如例○湖廣武昌府地震○裁革江西吉安府吉水縣稅課局大使一員○命安鄉伯張坤坐團營立威營○賜故都督同知夏助祭葬如例以其子時賢襲授指揮使○甲寅原任太傅兼太子太傳吏部尚書謹身殿大學士張孚敬應召至京詔進兼太子太師華蓋殿大學士餘官如故孚敬疏辭上曰卿四郊督視克盡勤誠輔贊朕躬多賴茲加恩非過典其即承朕命盡心供職勿辭○丙辰奉聖夫人劉氏卒特詔以侯伯夫人禮治葬事仍加祭四壇給墳地一區附墳田五頃夫人上乳媪也○命南京後軍都督府署都督僉事陳璘提督操江○丁巳陞南京光祿卿洗光為南京大理寺卿○戊午莊肅皇太后令旦免命婦入賀宴諸王所人員○己未陞提督

南贛汀漳都察院右副都御史陶諧為兵部左侍郎兼左僉都御史總督兩廣軍務先是總督兩廣兵部右侍郎林富再上疏求去是時廣寇未靖上疑富有所規避下巡按御史囊狀以聞於是吏部言富既候勘必俟勘至遣代恐誤機宜請如成文葉相例預遣官代之故有是命○靖江王邦寧數請祿米欲全支本色戶部謂非近例不許王請益堅且求親詣闕廷奏狀部言郡王祿米自弘治十六年會議裁減本折中半兼支遵行以久王乃妄意請乞訓復倨嫚殊非藩臣之體上乃嚴諭邦寧禁其奏擾仍令巡按御史逮其輔導等官罪之○辛酉命武定侯郭勛迎皇地祇神牌奉安于北郊○是日經筵開講○命少傅兼太子太師吏部尚書華蓋殿大學士張孚敬太子太保禮部尚書武英殿大學士李時太子太保兵部尚書王憲太

予太保兵部尚書兼右都御史汪鑑禮部尚書文淵閣大學士
翟鑒戶部尚書許讚刑部尚書王時中太子少保工部尚書蔣
瑤通政司陳敬大理寺卿周期雍少詹寺兼翰林院學士張潮
翰林院學士席春侍讀學士吳惠郭維藩侍講學士廖道南蔡
昂為殿試讀卷官○壬戌廣平府教授張時亨以進奉至上疏
言 皇考當有天下請更定廟號稱宗仍自 皇上誕生之年
追改鍾祥天號以明 皇考授命之實又欲 皇上效古人刻
木之義製為 皇考聖像朝夕侍立決正萬幾仍請 聖母改
永帝服正位內庭 皇上執太子禮間決正事反覆數千言皆
要誕不經語禮部參奏其罪詔下法司逮訊時亨已出京乃命
所在巡按御史提問謂時亨有心病詔革職閒住○陝西左布
政使汪珊陞為都察院右副都御史巡撫湖廣山西右布政使

朱竹慶為南京光祿卿。陞吏科左給事中。魏良弼為都給事中。工科右給事中。王守俱為左給事中。禮科左給事中。董進第兵科給事中。高金刑科給事中。陳侃俱為右給事中。良弼進第禮科。儒金戶科。秀侃兵科。守刑科。禮科給事中。李仁以論救戶科給事中。孫應奎下錦衣衛執送鎮撫司拷訊。已法司論杖贖還職。詔仍罰俸一年。癸亥。武宗毅皇帝忌辰。奉先殿行祭禮。遣王田伯蔣榮祭。康陵。紫荊關地震。以三年秩滿。廢兵部右侍郎林富于萬仞為國子生。命新寧伯譚綸掌南京前軍都督府事。先是。北虜自延綏求通貢市。事下兵部議。兵部言。小王子進貢。雖有成化弘治年間事例。但其情多詐。難以輕信。宜命總制鎮巡官察其真偽。無何虜以不得請為憾。遂擁衆十餘萬入寇。上怒其黠。驚命兵部亟命征剿。於是兵

部尚書王憲等集廷臣議上平戎十一事詔皆依擬行之仍諭
總制唐龍嚴明號令激發忠義務使遠近併力相機剿殺以靖
地方虜退之日即便班師不許疲衆靡財有負委託 甲子
上御奉天殿策試天下貢士制曰朕惟人君奉 天命以統億
兆為主必先之以威有樂生俾遂其安然欲後庶幾盡父母
斯民之任爲無愧焉夫民之所安者所欲者必首之衣與食使
無衣無食未免有凍餒死亡流離困苦之害夫匪耕則何以取
食弗蠶則以資衣斯二者亦王者之所念而憂者也今也無幾
而食者衆蠶者甚稀而衣者多又加以水旱虫蝗之爲災遊惰
雜冗之爲害邊有煙塵內有盜賊無恠乎民受其殃而日甚一
日也固本朕不類寡昧所致上不能參調化機下不能作興治
理實憂而且愧焉然時有今昔權有通變不知何道可以致兩

賜時若災害不生百姓足食足衣力乎農而務乎職順乎道而
歸乎化子諸士明于理識夫時蘊抱于內而有資我者亦既久
矣當直陳所見所知備述于篇朕親覽焉勿憚勿隱○命署都
督僉事牛桓充總兵官鎮守貴州○乙丑陞湖廣左布政使錢
宏爲都察院右副都御史提督南贛汀漳等處軍務○三邊總
制尚書唐龍奏虜衆住套警報日急各鎮軍需十分詘乏而甘
肅尤甚乞發太倉銀及淮浙鹽引專遣大臣一員調度兵餉共
國防禦疏下戶部會官議覆兵事貴豫虜衆住套日久蓄謀已
深軍馬葛糧委宜設備請發太倉銀三十萬兩兩淮運司鹽三
十六萬引遣侍郎張璫率屬有才幹官二三人齎赴各鎮分撥
雜買別發太倉銀十萬兩兩淮浙鹽十萬引運赴甘肅令巡撫趙
載自行調度仍假璫便宜權令與督臣協心共濟毋相推委欽

悞事機其山西河南湖廣四川與決接境饒道相通者聽瓚兼制以便轉輸議入得旨俱如擬張瓚命無都察院右僉都御史赴往母急○丙寅陞山西布政使司左叅政胡纘宗為本司右布政使○丁卯賜致仕大學士賈誼妻一品夫人張氏祭葬如例○命刑科左給事中王守赴延綏隨軍紀功○戊辰上御奉天殿傳制賜林大欽等三百二十人進士及第出身有差○以旱荒詔京衛并順天所屬官軍月糧預支一月仍發京通二倉米一十萬石粳米石銀六錢粟石銀四錢委官監糶以平穀價從御史孫錦奏也○己復命五城御史嚴督火甲于平糶處所防守其有不逞之徒乘機攘奪者捕送法司治罪○命固原總兵官劉文率所部兵三千人赴延綏策應○己巳皇后親蠶于內院○庚午上諭禮部曰郊廟大禮係國家重典朕於

天地百神祀典俱已釐正惟宗廟之禮尚能同堂異室之制未能復古於心歟朕稽聖祖開國之初已嘗建立四親廟實鑒于漢制之非具載大明集禮等書朕爲子孫所當遵行今太廟前堂後寢俱有定制不必更移其昭穆世數廟次卿等可會官相度兩廡議處規制以聞○陞湖廣按察司副使李錫爲山西布政使司左叅政○戶部覆給事中高金等條奏經理庫藏四事一擇內臣以謹出納內府各監局錢糧經理非人類多侵冒宜選廉靜內臣令其管理有貪鄙褻庸者亟爲汰黜一稽虛費以杜侵漁酒醋麪局有歲派梗米麪豆此外又有匠役工食驢頭草料耗費不貲宜將該局酒麪止給米麥令其自造匠役量留供事餘悉遣歸農畝其造醬黃葉等豆半給本色應用半輸折色輸太倉濟邊仍以麥麪飼驢省料豆三分之一

一減耗米以蘇民困各監局上納粳米加耗過重民力不堪自
今除上用白米每石加耗一斗其內監等官粳糯米每石止加
耗五升一切水耗拋撒篩包等項耗米盡行除革已運在途者
如數扣還抵補下年之額以後徵解收受違例多索者罪之一
發舊積以寬新徵庫監茶鹽收積數多易致腐浥宜行各該司
府將茅蕪二茶除原解本色照舊上納如係折色暫貯太倉俟
有缺乏召商收買仍行長蘆運司將應解內官監青鹽暫停二
年待積鹽支盡一併解納詔如議四川廣西湖廣所屬長官
宣撫等司土官各遣通把頭目人等有馬以過期減賞如例○
改南京兵部右侍郎林庭楫為工部右侍郎陞甘肅行太僕寺
卿張原明為陝西右布政使○詔戶部議犒賞京營兵應援延
綏者部議官給人銀五兩布二疋軍給銀八兩五錢布二疋

俱於太倉銀庫支動仍發銀萬兩詣中軍聽用得旨如擬其出征人馬仍行兵部於東官廳聽征人馬內揀選三千令團營副總兵趙鎮統領趣往應援已選營兵止得二千人益以保定兵千人付鎮云 江西巡撫胡璉奏言該省田少人多糧繁差重每遇造冊年分埋沒影射姦宄百出所在州縣虛糧日增多者萬計少亦不下數千百石其他說寄親識潛認糧差飛洒都圖零分升合猶細故也揆厥所由皆由國冊苟簡格式不一以滋多弊且如冊中所載田地山塘有都圖而無土名甚至併都圖無之稅糧有升斗而無正耗科則甚至併升斗無之田地有開除不註出賣主名稅糧有收不註承買主名沿訛覈并查覈無從改竄那移靡所不可此虛糧之孔穴也臣愚謂宜總括羣分書一格式如田地塘必註都圖土名他日戶有逃絕產固可

查稅糧必註正耗科則他日田有更遷糧固不易開除必註某人出賣使難除捏新收必註某人承買使難頂冒由是說寄飛灑諸弊皆可釐正虛糧包賠之害可除而逃亡可復矣事下戶部覆璉所議造冊規制甚善請頒其式于各省令如法措置以祛宿弊詔可○癸酉以大學士張子敬一四三羊秩滿廢其子遜業爲國子生○甲戌陞刑部四川司郎中詹瀚爲湖廣按察司副使○命彰武伯楊質僉書右軍都督府事○以遼東寧前錦義邊牆工完賞鎮巡等官銀幣有差○乙亥先是上御殿傳臚諸進士皆集闕門一序班謬傳令儒服首名林大欽及諸進士不服進士中袍者百餘人次名孔天胤以更服止掖門外詔問狀鴻臚卿王道中以其禮部失於曉諭上切責部臣奪司官俸一月禮部言已嘗先期揭示實以序班妄傳遂致錯誤

道中乃欲曲庇屬官厚誣本部非朝廷設官相臨之體詔道中對狀切責而宥之序班孫士約等下法司逮問大欽天胤等俱免究○吏科給事中雒昂疏薦原任尚書羅欽順趙璜王承裕都御史姚謨侍郎何塘通政馬理祭酒崔銑皆海內名德當世所推宜及時召用以完其蘊復言尚寶司卿李栢太僕少卿穆孔暉並忠信端方不宜置之散地詔青昂徇私妄舉姑奪俸一年○丙子禮部尚書夏言奏雩壇在泰元門外道里迴遠車駕經由無駐蹕之所祭時請設幕次雩壇既祀上帝禮當升煙俗為祈水不宜用火乃為坎座非禮臣等以為雩祀焚帛宜用燎壇請於雩壇門外塹一內神路左方建燎壇一座靈星門外之左空地一區可設幕次詔從其請遂名其壇門曰崇雩○丁丑授一甲進士林大欽為翰林院修撰高節為翰林院編修第

二名孔天胤以王親例不得官于朝吏部言二甲進士外授則知州從五品今天胤一甲宜正五品乃授陝西按察司僉事○戊寅大學士張孚敬等言太廟先羊祭祀但設衣冠皇上改行出主誠合古禮但偏詣羣廟躬自啓納不免過勞請自後太祖神主皇上躬自安設羣廟帝后神主令内外捧主諸臣一體安設上從其請詔捧帝主大臣以太常官佐之捧后主內臣以神宮監內侍佐之著爲令○南京刑科給事中王希文等疏劾巡撫貴州都御史劉士元巡撫湖廣都御史凌相巡撫山東都御史邵錫巡撫順天都御史王大用總理河道都御史李緋南京糧儲都御史毛思義太僕寺卿盛儀南京大寺寺丞林希元俱奉職無狀當罷時相錫緋三人業以他事去職矣部覆思義宜致仕士元儀宜閒住王大用希元性識雖

偏其才尚可留用俱從之
陞湖廣布政司右叅政劉棟為河
南右布政使

大明世宗肅皇帝實錄卷之一百三十六終